

Saida maka akontese ba ha'u nia bebé hafoin moris?

Se Ita presiza tratamentu ba síflis iha isin-rua, Ita nia bebé sei presiza hetan ezame husi médiku especialista pediátriku (bebé) nian hafoin moris no halo teste raan balun. Númeru ki'ik tebes hosi bebé sira karik presiza hela iha ospital ba tratamentu antibiótiku.

Bebé sei hetan akompañamentu durante fulan balun hafoin moris atu asegura katak sira saudavel no di'ak nafatin.

Seguru atu fó-susu ba ha'u nia bebé se ha'u hetan teste síflis pozitivu?

Sim, Ita bele fó susubeen-inan ba Ita nia bebé.

Sé maka presiza hatene katak ha'u kona síflis?

Importante katak, ho Ita nia lisensa, profisionál saúde hotu-hotu ne'ebé envolve iha kuidadu ba Ita no Ita nia bebé hatene kona-ba Ita nia diagnóstiku atu nune'e sira bele asegura katak Ita no Ita nia bebé simu tratamentu ne'ebé efetivu.

Informasaun kle'an liu tan



Informasaun liután kona-ba síflis bele hetan iha: www.nidirect.gov.uk/articles/antenatal-infectious-disease-screening



Detallu sira kona-ba saúde seksuál ka klínika Medisina Jenitourinária (GUM) iha Irlanda Norte bele hetan iha: www.sexualhealthni.info/genitourinary-medicine-gum-clinics



Public Health Agency
12-22 Linenhall Street, Belfast BT2 8BS.
Tel: 0300 555 0114 (local rate).
www.publichealth.hscni.net

Find us on:



Síflis: saida maka signifika husi Ita nia rezultadu triajen pozitivu



Public Health
Agency

Ita nia teste triajen foin lalais ne'e hatudu katak Ita iha infesaun ida naran síflis.

Folletu ida-ne'e esplika saida maka síflis no saida maka ida-ne'e signifika ba Ita nia isin-rua no bebé.

Sa'ida hepatitis B??

Síflis maka infesaun baktéria ida. Dala barak la nota tanba sinál no sintoma sira la'ós sempre klaru. Se la hetan tratamentu, síflis maka kondisaun ida ne'ebé grave ne'ebé bele avansa liuhosi faze oioin ne'ebé bele dura semana, fulan no tinan barak no bele rezulta iha problema saúde grave ba Ita no Ita nia bebé.

Oinsá maka síflis hada'et?

Síflis bele hada'et ba ema seluk liuhosi:

- iha kontaktu diretu ho moras síflítiku, normalmente durante relasaun seksuál sein protesaun
- fahe daun ka ekipamentu ne'ebé infetadu ba uza droga
- transmisaun hosi inan ba bebé durante isin-rua ka bainhira moris.

Tratamentu ba isin-rua

Ita sei hetan referénsia ba klínika saúde seksuál (koñesidu mós hanesan klínika Medisina Jenitourinária) ne'ebé sei deside tratamentu saida maka Ita presiza.

Síflis bele kura ho tratamentu antibiótiku no importante atu kompleta kursu tratamentu tomak.

Maski Ita hetan ona tratamentu ba síflis iha pasadu, Ita bele hetan fali infesaun no karik presiza hetan tratamentu fali.

Ekiba saúde seksuál mós sei rekomenda katak Ita nia parseiru hetan teste no tratamentu se presiza atu nune'e sira labele infeta fali Ita hafoin ita-boot nia tratamentu. Ita sei presiza evita kontaktu seksuál ho Ita nia parseiru to'o Ita rua remata Ita nia tratamentu. Se Ita troka parseiru durante isin-rua Ita bele presiza halo teste filafali. Husu ba Ita nia parteira ka ekiba saúde seksuál kona-ba halo teste filafali se Ita preokupa.

Proteje Ita nia bebé

Hetan síflis durante isin-rua signifika katak infesaun ne'e bele hada'et ba Ita nia bebé ne'ebé seidak moris iha kualkér tempu durante isin-rua ka partu, hodi hamosu kondisaun ida ne'ebé koñesidu hanesan síflis konjénita, ne'ebé bele iha efeitu ba tempu naruk ba Ita nia bebé.



Sífilis konjénita iha possibilidade boot liu atu hada'et ba Ita nia bebé iha faze inisiál sira hosi Ita nia infesaun no bele aumenta Ita nia risku atu hetan abortu, partu mate ka partu prematuru.

Sífilis konjénitu bele prevene liuhosi halo tratamentu antibiótiku molok Ita nia bebé moris, no se presiza fó tratamentu antibiótiku ba Ita nia bebé hafoin moris.

Importante tebes atu Ita atende konsulta sira iha klínika saúde seksuál no simu ita-boot nia tratamentu lalais liután hafoin diagnóstiku atu ajuda prevene transmisaun infesaun nian ba Ita nia bebé.

Seguru ka tratamentu ba sífilis durante isin-rua?

Tratamentu antibiótiku (normalmente penisilina) seguru durante isin-rua no sei la estraga Ita nia bebé. Se Ita iha alerjia ba penisilina, doutór sei diskute tratamentu alternativu ho Ita. Dalaruma se Ita hetan tratamentu bainhira Ita nia infesaun sífilis iha faze inisiál, tratamentu ne'e bele hamosu reasaun ba tempu badak ne'ebé bele inklui moras 'hanesan gripe' ne'ebé normalmente dura loron balun.

Maneira di'ak liu atu proteje Ita nia bebé maka kompleta tratamentu.

Oinsá ha'u sei hatene se tratamentu ne'e funsiona ona?

Klínika saúde seksuál sei halo tan teste raan nian iha faze oioin tuir Ita nia tratamentu atu asegura katak infesaun ne'e sai hotu ona.

Ita nia raan mós sei hetan kontrolu hafoin Ita nia bebé moris.